


Tracts 1905.

(1)





Digitized by the Internet Archive
in 2016

<https://archive.org/details/b22467579>

DISSERTATIO MEDICA

DE

A P O P L E X I A.

Tracts 1905 (1)

DISSERTATIO MEDICA;
INAUGURALIS,

DE

A P O P L E X I A.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

PHILIPPUS SYNG PHYSICK,

PHILADELPHIENSIS,

Soc. Chir. Lond.

Necnon

Lyc. Med. Lond. Sod.

“Ea, quae disputavi, differere malui, quam judicare.”

Cic. de Nat. D. III. 40.

Ad diem 25. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,XCII.

JOANNI HUNTER, S. R. S.

&c. &c. &c.

Viro

Optimis moribus ;

Chirurgo

Singulari peritia ;

Non ut laudet,

Satis enim certo scit,

Nunquam fatis magnifice quidquam dicet,

Id fama quin superet ejus ;

Sed ut gratias,

Ob beneficia valde quam multa

Sibi,

Discipulo scilicet duos per annos,

Judicio, considerate constanterque

Delata,

Publice,

Quantum in semet est,

Agat atque habeat ;

Hoc opusculum,

Quippe quod ei,

Quatenus nimirum quid habeat boni,

Praecipue tribuendum veniat,

Lubens offert

P. S. P H Y S I C K.

DISSERTATIO MEDICA,

INAUGURALIS,

DE

APOPLEXIA.

Auct. P. S. PHYSICK.

PROOEMIUM.

CUIVIS vere rem aestimanti protinus pro
percepto liquebit, studiosum medicinae,
inter scholasticum scilicet curriculum, paucula
admodum sua propria experientia deprehendere
posse. Omne profecto id tempus praelectioni-
bus et libris necessario dandum est, quibus certe
in posterum et ratio subtilius excolatur, et usus,

A

efficacissimus

efficacissimus rerum omnium magister, peculiari-
ter utique medicinae, magis ac magis valeat.

Quod cum ita est, ego, qui neque disciplina
fatis, et ingenio parum possum, Academiae om-
nino institutis morigerari cupiens, haecce, qua-
liacunque sunt, ea, qua decet, verecundia, pro-
ponere ausim.

DEFINITIO.

‘ Morbus, quo omnes externi atque interni
‘ sensus, nec non omnes voluntarii motus qua-
‘ dam tenus imminuuntur, respiratione interea
‘ atque actione cordis superstite.’

HISTORIA.

Sexus utriusque communis est; occupat de
subito atque inopinate; tollit interdum horae
momento, plerumque vero non item.

Quorundam.

Quorundam sensus adeo obtunduntur, ut tacti appellatique ignorant ; alii, quamvis mentis compotes, nequeunt tamen sensus suos explicare.

Motus voluntarius aliquando nullus omnino est ; saepe autem nervi alterius lateris distenduntur, dum iidem alterius resolvuntur.

Spiritus nonnunquam naturaliter movetur ; plerumque verò ab alto difficulter attrahitur, idque longis, ut in somno, intervallis ; quinetiam oris muscoli haud infrequenter adeo inordinate agunt, ut idem prope ex toto includatur.

Pulsus arteriarum est fere plenus, ordinatus, tardus, aliquando durus.

Facies plerumque rubet, interdum vero pallet. Oculi pene clauduntur. Saliva haud devorata ex ore, spumae instar, movetur. Os saepe huc illucve distorquetur. Aeger aliquando vomere

mere tentat. Sudor in facie apparet. Extrema corporis nonnunquam frigescunt. Stercus atque urina sine voluntate excernuntur.

Denique, sub mortem, arteriarum pulsus aliquando fit creberrimus; postremo autem et hic tardior et spiritus rarior usque eo evadunt, donec de homine actum fuerit.

Caeterum aliquando accidit, ut complures sub idem tempus afficiantur, quod fortasse tempestatum vitio tribuendum veniat *.

QUI

* Hinc Morgagnius, casum Ant. Titae referens, dixit,
 ‘ Inter primos obiit ex iis, qui Patavii sub Maii initium
 ‘ an. 1729 pene quotidie, magno omnium terrore, ex im-
 ‘ proviso, aut statim, aut certe intra horas non multas, com-
 ‘ moriebantur, cum post diuturnas subfrigidas humidasque
 ‘ tempestates; pluviosus enim autumnus, pluviosa hyems,
 ‘ pluviosum haecenus ver fuerat; tunc primum, idque re-
 ‘ pente, aëris calor rediisset.’ Morg. lib. 1. epist. 3. art.

QUI MAGIS PERICLITENTUR.

Juniores raro admodum, sed aliquando tamen, invadit. Plerumque autem adoritur aetate pro-
vectos, eosque praecipue, qui quadraginta et
quinque annos excefferint.

In homines obesos ac robustos; sanguine ex
cibus lautioribus et nimia quiete abundantes;
immodicis liquorum fortiorum potionibus affue-
tos; quibus denique magna sunt capita bre-
viaque colla, multo frequentius ingruit.

Profluvia solita, quae subito repressa fuerint,
veluti haemorrhoidas * epistaxin †, necnon et
detractionem sanguinis intermissam ‡, aliquando,
atque etiam pestifere excipit.

Denique,

* Hoffm. Op. vol. 1. p. 344. § 18.

† Lancis. Op. lib. 1. cap. vii. pag. 7.

‡ Tissot. Epist. ad Haller. p. 68.

Denique, ex capite tam leviter percusso, id quod egomet (chirurgus quippe eo tempore domesticus) in S. Georgii valetudinario conspexi, ut cerebrum a primo illaesium omnino habeatur, nonnunquam subsequitur. Foemina enim, capite eatenus icto, ut vulnerata tantummodo integumenta cranii visa sint, septem post diebus apoplexia, sanguinis quippe aliquanto suis e vasis extuso, concidit.

QUAE PRAECEDANT.

Ex improvise saepe occupat *. Equidem novi mulierem generosam, quae, apud amicum hilariter cum praesentibus colloquens, inter theae forbitionem fuit attonita.

Instantis autem signa saepe complura sunt, quae rite animadversa periculum ostendant.

In

* Wepfer. Hist. Apoplect. p. 427.

In hujusmodi casu fere sunt vertigo, quam nausea frequenter ac vomitus illico subsequuntur; crebriores capitis dolores; ex naribus profluvium sanguinis; aures intra se ipsae sonant, interdumque ne externum quidem sonum accipiunt. Oculi nonnunquam caligant, saepe illacrimant sine manifesta causa, praeter eosdem quoque nictantia fulgura flammae transcurrunt, idque magis ex tussi subitave inclinatione corporis; palpebrae gravescere videntur. Aliquae quasi punctiones saepe sentiuntur in extremis partibus, simulque in variis locis nervi quodammodo resolvuntur.

Denique, saepenumero sub accessionem, homo summum capitis dolorem habet, balbutit, vel ad breve tempus obmutescit; animoque et corpore torpet; memoria amputatur; somnus in promptu est, isque per somnia atque incubonem tumultuosus.

QUAE EXCITENT.

Cum aliqua vel multa ex supra comprehensis ad longius breviusve tempus adfuerint, sequentia, nimia scilicet exercitatio; respiratio longior, utique si vehementi fiat nisu, velut ad fellam ex alvo adstrictiore; cibus plenior, magis si stimulus paulo ante somnum assumatur; externus calor; liquores nimio fortiores; arctior juguli vinctura; inclinatio capitis; magnae animi perturbationes; inquieta cogitatio; subita denique aëris a frigido in calidum mutatio, ad excitandum in primis valere videntur.

QUAE SAEPIUS IN CORPORIBUS MORTUORUM INCISIS SUNT DEPREHENSA.

Ex corporibus autem mortuorum incisus morbum suam sedem in cerebro habere manifestum est.

est. Aliquando nihil aliud quam vasorum distentio fit; sed sæpius serum insuper, aut in ventriculos aut subter membranas, effunditur. Idem quoque, cum laterales scilicet ventriculos occupat, videtur plerumque sub Arachnoide, idque quasi congelatum; attamen, e contrario, fluidum omnino, membrana nempe excisa, deprehenditur *.

Sanguis semper fere extruditur vel in ventriculos, vel subter membranas, vel in utraque simul, idque vel super vel sub cerebrum aut cerebellum. Quod vero sanguinis, alias plus minusve, extundatur, id aliquando concretum, aliquando paene fluidum, occurrit.

Vasa quidem fracta, si quando majora sunt, oculis interdum cernuntur. Hinc Morgagnius latus arteriae carotidis internae diruptum vidit.

B

Hydatides

* Ex monumentis medicorum vasa distenta serumque effusum retuli; quatenus autem haec pro causis haberi debeant, postea dicendum erit.

Hydatides exiguae saepe in ventriculis lateralibus, plexu choroideo, nec non etiam circa crura medullae oblongatae, reperiuntur. Caeterum, hae neutiquam sunt propriae, quippe quas in aliis quoque cadaveribus cernere licet.

Quod si homo, qui primam accessionem evaserit, altera tertiae interimitur, tum alia atque nunc memorata ante oculos obversantur. Namque, praeter sanguinem extusum, causam scilicet mortis proximam, cavum quoque interdum prope eundem, interdum in eadem alterius hemisphaerii parte, saepe in diverso cerebri loco, invenitur; quod quidem nullius cujusdam formae, ex interiore parte alibi laeve, alibi laciniosum atque inaequale, humore feri instar colorato, plus minusve cruento, nonnunquam etiam aquae simili, repletur. Quandocunque vero cavum istud usque ad ventriculum lateralem pertinet, primo quidem aspectu processus ab hoc exactus esse videatur; at re tamen vera spatium est ipsum, quod

quod antea sanguine per accessionem praecedentem extruso occupatum fuit, et deinceps aqua, eo nimirum absorpto, occupatur; siquidem fortasse necesse est istud quodammodo occupari. Caeterum hic unum et alterum casum, credibilis expositionis ergo, subjicere convenit.

Generosus quidam paralyfi ter affectus est; hic, annos sexaginta natus, a prima accessione convaluit; alteram deinde, quae octo post annos facta est, evasit, excepto, quod motus alterius lateris defecerit; a tertia denique, utpote vehementiore, omni sensu privatus, biduo consumptus fuit.

Cranio autem duraque matre remotis, haud paululum eminentis in superiore dextro hemisphaerio offenditur, pia mater ibidem subflava, eaque divisa, cavum inter cerebri involutiones, fere magnitudinem ovi parvuli implens, aspicitur, serosum continens humorem, ejusque pars
interior

interior erat laevis, exterior autem adhaerebat ad cerebrum ipsum, quod quidem circa illud erat consolidatum. In cranii basi ima nonnihil erat sanguinis semicongelati, nuper certe extrusi, id quod pro causa proximae accessionis, necnon etiam mortis, habendum est. Quod ad dextri hemisphaerii speciem attinet, nihil vetat, quin ea accessioni praecedenti, sanguine nempe absorpto, tribuenda veniat.

Vir, anno aetatis nono et sexagesimo, vertigine ac resolutione nervorum dextri brachii, correptus est; aderant quoque stupor, talisque oculorum affectus, qui eosdem obliquavit. Stupor quidem et paralytis paulatim abierunt, ast oculi haud receperunt sanitatem. In eodem mense anni sequentis, iterum adeo vehementer conflictatus est, ut sensus per complures hebdomadas interciderint, et quanquam hi postea aliquatenus reducti sunt, memoria tamen paene ex toto defecit. Denique, post decem et octo menses, fato functus est.

Cerebro

Cerebro inciso, omnia quidem extrinsecus suo in positu atque ordine videbantur; lateralibus vero ventriculis inspectis, duo sacculi reperti sunt, siti in inferioribus posterioribusque partibus utriusque hemisphaerii supra tentorium, antrorsum pertinentes in illos, adeoque substantia cerebri, tum medullaris, tum corticalis, quae additamenta eorundem definit, omnino omnis aberrat. Caeterum isti sacculi, una cum ventriculis haud multum adauctis, sex uncias humoris subflavi continebant; iidemque a primo, ut credere par est, ceperint sanguinem e vasis disruptis effusum, qui deinceps per absorbentia ipse fuerat sublatus *.

Carotis interna, Morgagnio teste, nonnunquam aspera est ex interiore parte, ejusque color mutatur; necnon maculae, nunc minores, nunc majores,

* Et Morgagnius et Wepfer memorant, cava ampla in cerebris apoplexia mortuorum observata, quorum ratio fortasse ex supra propositis colligi queatur. Morgag. ep. 3. art. 2. Wepfer. Hist. Apop. p. 7.

maiores, ob innascentia scilicet ossa, ibidem existunt.

Denique, illud quoque ad haec accedere potest, quod polypus in dextra auricula aut ventriculo cordis ad apoplexiam excitandam valere putatur; et Tulpius sese talem in sinistro ventriculo offendisse memoravit *. Caeterum, anatome, jam subtilius exculta, satis, ut mihi videtur, ostendit, rarius talia id genus in iis corporis vivi partibus existere, quae morbum huncce excitare queant.

CAUSA PROXIMA.

His enimvero provisus, causa continens, seu proxima, videtur esse ista subita cerebri compressio, quae illius vim, qualiscunque ea est, in partes affectas commeare prohibeat.

Subita

* Tulp. Obs. Med. lib. 1. c. 27.

Subita autem compressio dicitur, quia cerebrum huic paulatim accedenti sese quadamtenus ita accommodare potest, ut actiones ipsius aliquamdiu non multum turbentur.

Hujus quidem rei explicandae gratia, illa in praesentia referre lubet. Homo, annos circiter triginta natus, in S. Georgii valetudinarium mense Decembris anni 1790 delatus est; quippe cujus caput pertica ab altiore tabulato delapsa ictum fuerat; carebat omni sensu; pulsus arteriarum ac respiratio supererant; calvaria haud fracta, ejus tamen integumenta vulnerata sunt. Modiolus, seu instrumentum illud, quod Anglice *Trephine* nominatur, adhibitum est, aliquidque sanguinis, foramine facto, desub dura matre effluxit; postea illico reconstatur sensus, nihilo tamen fecius homo paucis diebus obiit.

Patefacto cerebro, osseus tumor, duas uncias longus, unam dimidiamque latus, et fere dimidium

dium unciae crassus, in dura matre reperitur; necnon et complures minores, iique etiam singuli in recessibus, qui erant in superiore parte alterius hemisphaerii cerebri, subsidentes. Homo igitur, ut videbatur, his ipsis substantibus, victum more solito quaeritare potuit; verum, simul ac primum sanguinis exiguum subito super cerebrum effusum est, attonitus fuit.

Erat in sinistro hemisphaerio cerebri cujusdam mulieris hydatis, quae capitis dolorem, vehementes stomachi affectus facefferat, paucisque mensibus sine ullis apoplexiae indiciis interfecit.

In anteriore parte cerebri nobilis juvenis erat tumor durus, magnitudinem ovi gallinacei explens. Stomachus quidem male se habebat; suspicio tamen vitii in capite erat nulla, nisi tertio ante mortem die, quo tandem quidam oculorum affectus clarius de morbi sede indicavit.

Quae

Quae cum ita sint, crediderim, apoplexiam, seu morbum supra descriptum, neutiquam ex cerebro paulatim compresso oriri posse; atque adeo dubitaverim, an aut vasa sanguine distenta, aut serum extrusum, causis hujusce mali annumerari debeant.

Enimvero vasa cerebri adeo distendi, ut sanguis huc congeratur, negotium esse quod necessario tardius efficiatur, fatis ex ipsorum conditione patet. Horum quidem omnia singula per materiam, quae ipsa comprimi nequit, quaeque includitur etiam in ossea capsula, cedere nescia, disperguntur.

Quod cum ita sit, spatium prius liberum per absorbentia praestetur necesse erit, quam aliquid amplificationis istis accedere queat, id quod non nisi gradatim et pedetentim fieri potest. Sed hujusmodi amplificationem fieri notatum fuit, et D. Gregory, suis in praelectionibus, tale quid

memorat. Signa autem erant hydrocephali interni, qui hominem non nisi plures post hebdomadas occidit.

Experimenta haud ita pridem per aliquot sodales Medicae Societatis Regiae, quae Edinburgi est, instituta, quibus vasa animalis altero tanto sanguinis supra justum numerum replebantur, unde nihil apoplexiae infecutum est, testari videntur, vasa cerebri, in quae periculum distendendi aequae, ut credere par est, atque in reliqua fuit directum, adeo tamen tuta ab eo esse seu nihil affici, ut hicce morbus inde oriri nequeat.

Morgagnius casum refert, quo vasa cerebri incisi multo sanguine distendebantur, id quod causam apoplexiae fuisse arbitratur. Porro autem addit, hominem hunc sese inter caenam bene omnino habuisse, itaque iniisse lectum, ubi circiter duas post horas ab uxore non mortuus solum, sed etiam frigidus, inventus est. Ex incisione

cisione sanguis apparebat paene fluidus, quod est, haud more solito concretus *. Hinc igitur credere licet, hominem mortuum fuisse non ex cerebro compresso, sed alia ex causa, eoque magis, quod mors aliquando, similibus sine ullo sanguine in capite congesto visis, subita corripuit. Quinimmo Morgagnius ipse casum huiusmodi profert, ubi sanguis itidem fluidus sine ulla in capite congestione deprehensus fuit †.

Quae cum ita sint, crediderim, quodcunque sanguinis plus solito ad caput aggeratur, id aut per venas deferri, aut, si id non fit, vasorum aliqua necessario disruptum iri, unde apoplexia e vestigio occupat.

Deinde, aquae elisio quoque e vasis integris videtur perquam tarde effici, ejusque congestionem per absorptionem arceri. Immo etiam,
ubi

* Morgag. de sed. et causis Morb. Epist. III. art 26.

† Morg. Epist. V. art. 17.

ubi minus absorbetur, quam deponitur, tunc tamen coacervatio fit tarda, ut videre est in hydrocephalo interno, qui quidem morbus differt ab apoplexia, five adventum ejus spectes, five incrementum, five spatium, five etiam homines, quos excruciare solet.

His igitur de causis, haud facile concesserim, effusionem aquae unquam in cerebro sano posse tam repentinam esse, quae apoplexiam afferat.

Fatendum tamen est, aegros quosdam, veluti hydropicos, nonnunquam celeriter rapi, idque non sine apoplexiae indiciis; quod quidem aquae subito ex cerebri vasis, pro sua nimirum parte simul affectis, effusae imputatur; ast, etiam in hujusmodi casu, comatis signa tarde plerumque ac paulatim proveniunt.

Denique, ex iis, quae supra comprehensa sunt, cogere fortasse licebit, sanguinem subito
effusum

effusum e vasis cerebri diruptis semper, aut certe semper fere, proximam esse causam apoplexiae verae.

QUOMODO SUPRA COMPREHENSI MAGIS PERICLITENTUR.

Quoniam vero adolescentia rarius hoc malo affligitur, ipsa temporis longinquitas homines isti opportuniores reddere videtur *.

In

* Rationem itaque, quemadmodum aetate provecti multo magis periclitentur, D. Cullen sic explicare tentavit.

‘ The venous vessels of the brain are of a conformation
 ‘ and distribution so peculiar, as lead us to believe, that
 ‘ nature intended to retard the motion of the blood and
 ‘ accumulate it in these vessels; and, therefore, even
 ‘ very small additional resistances to the motion of the
 ‘ blood from these towards the right ventricle of the
 ‘ heart, may still more readily accumulate the blood in
 ‘ them.

In senectute etiam saepe fit, id quod Morgagnius frequenter in attonitorum cadaveribus offendit, ut vasa capitis pariter, atque aliorum locorum, morbida existant. Arteria nempe ex interiore parte suam propriam laevitatem amittit, aspera quodammodo fit atque inaequalis, nunc hic nunc illic, idque saepe cum maculis, quae innascentia ossa significant. Quo quidem facto vas multum debilitari videtur, frequenterque impatiens soliti impetus sanguinis adeo dilatatur, ut tumor, aneurysma quod audit, excitetur. Quod, si aliquid tale vasis cerebri acciderit, istud profecto eadem diruptioni sive dilationi magis obnoxia praestabit.

Jam vero quod ad modum attinet, quo obesitas

them. Such accumulation will most readily happen in advanced life, when the venous system in general is in a plethoric state, and when this plethora takes place especially in the venous vessels of the brain.' First Lines, &c. MCVII.

tas huncce morbum arceffat, G. V. Swieten et D. Cullen paene iisdem infiftunt ; quippe quia uterque compreffionem vaforum fanguinem venientium adipe in variis partibus congefco effectam attulerunt *.

Verifimillimum fane eft, obefos faepe abundare fanguine ; at dubitari tamen poteft, an adeps ullam talem compreffionem faciat, fiquidem is plerumque, bene integro corpore, reponitur ; quinetiam ejus recipiendi caufa loculi deinceps fic formantur crefcuntve, ut ipfa quoque cutis.

Hanc

* ‘ The accumulation of blood, inquit D. Cullen, in the venous veffels of the brain, will alfo be moft likely to occur in perfons of a corpulent habit, either becaufe thefe may be confidered to be in a plethoric ftate, or becaufe obefity, by occafioning a compreffion of the blood veffels in other parts of the body, more readily fills thofe of the brain, which are entirely free from any fuch compreffion.’ First Lines, &c. MCVII.

Hanc autem rem ita se habere colligitur, quoniam vascula membranis eundem continentibus insunt, et cutis obesi ex totidem vasis sanguinem vehentibus, quot macri, constare videtur; quod quidem fieri non potuit, si adeps, adactus scilicet atque intrusus, cellulas distendat, sed contra eadem fere species cutis exstaret, quae in anasarca extat.

Corpora deinde pinguiora exercitationem minus facile tolerant, quippe quia illis spiritus hinc aliquatenus impeditur; quod nimirum ex adipe in abdomine congesto, eoque diaphragmati libere descendenti obstante, fieri videtur.

Deinde, quod ad collum breve caputque magnum pertinet, D. Cullen opinatur, illud redditui sanguinis a capite parum favere; hoc eidem in eo congerendo aptius esse.

Ebriositas porro stomachum totumque fere
corpus

corpus infirmare videtur ; nec non sanguinis impetum adauget. Hinc vero quantitas hujus multo major solito ad caput adigitur, cujus vasa, ut et reliqua, ita nempe crebro subitoque distenta, ferius aut citius debilitentur necesse est. Morgagnius saepe memorat vasa in iis vitiata, qui ebrietati indulserint. Enimvero faciei vascula, in primis autem nasi, saepe hac de causa male se habent.

Denique, desidria cibisque plenior, profluvia solita, quae suppressa fuerint, vasa sanguinem vehentia distendunt ; ideoque illa magis magisque imparia ulli incremento distentionis sustinendo facere videntur.

QUOMODO EXCITANTIA VALEANT.

Haec quidem talia sunt, quae vel copiam simulque impetum sanguinis caput versus au-
D geant,

geant, vel eundem, libero scilicet reditu immi-
nuto, ibidem accumulent.

Prioris generis sunt externus calor, utique si
ex subita coeli mutatione fiat, cibus potusve ex
stimulantibus assumpta, immodica denique exer-
citatio, &c. quorum singula impetum sanguinis,
ut videtur, adeo augere possunt, ut vasa capitis
eundem facile sustinere nequeant, itaque demum
plus minusve deficient. Caeterum, hoc eo citius
accidit, quo illa ipsa ante pleniora sanguine fuif-
sent.

Alterius autem generis est arctior juguli vinc-
tura, quae, venis nimirum compressis, solitam
sanguinis quantitatem ad cor deferri prohibeat;
cum arteriae, quippe nihil omnino compressae,
eundem usque, ut antea, ad caput evehunt. Hic,
ubi vasa capitis ita distenduntur, vertigo non-
nunquam oritur ex cerebro pressio; quo quidem
diutius

diutius factò, vasorum aliquid dirumpi poterit, unde sanguis in hoc effundi queatur.

Quolibet vehementiore nisu, seu magna intentione muscutorum diaphragmatis atque abdominis, semper plus sanguinis ad caput adigitur; quod quidem non modo sentimus, sed etiam in venis capitis collique inde turgidis, necnon facie rubente oculis cernimus. Veruntamen, hoc ipsum non, ut aliqui autumant, ex suppresso spiritu fieri videtur, quia hinc, id quod quisque in se experiatur, nil tale evenit; sed si muscoli memorati simul contrahantur, hinc ea, quae supra comprehensa sunt, illico apparent. Quod quidem fit ex musculis memoratis viscera abdominis validius ad spinam apprimentibus, ideoque venam cavam atque aortam comprimentibus. Hinc ex illa vis solita sanguinis in cor ejicitur, ex hac eadem transire ad partes inferiores prohibetur; itaque, compressione nimirum durante, auctior

auctior sanguinis copia in capite partibusque superioribus circumagatur necesse est *.

Caeterum, complures alii muscoli praeter memoratos saepe quolibet vehementiore nisu in actionem coguntur. Omnis autem contractio musculorum sanguinis circuitum per arterias non paullum impedit, eundemque itidem per venas accelerat; unde necessario fit, ut hic coacervetur, in vasis haud ita pressis, velut cerebri, pulmonum,

* Hinc fortasse haud tardum dictu est, quare cerebrum vicissim extumescit desiditque. Semper quidem prius fit, quando spiritus emittitur, quod est, ubi abdominis musculi adigunt viscera ejus ad spinam, adeoque vasa ibidem majora comprimunt, de quo supra dictum est. Caeterum hoc visum saepius mihi objectum fuit, quod cerebrum, jam modiolò patefactum, ocius tardiusve intumescit, pro modo quo spiritus emittitur. Sic in tussi, ubi abdominis musculi subito fortiusque agunt, cerebrum aequè subito attollitur. Inter exclamandum quoque, ubi iidem agunt lentius diutiusque, motus illius rata pro parte existit.

monum, quaeque majora circa cor versantur ;
et si qua cerebri admodum imbecilla sint, iisdem
diruptio facilius accidere potest, unde apoplexia
illo excipere solet.

Fortasse ex cibo nimio quoque compressio e-
iusmodi fieri potest, nec non ex chylo indidem
enato, vasis nimirum, antea fatis multum repletis,
infecto, talis distentio accidere, ut sanguis in ce-
rebrum effundatur, et sic apoplexia fiat.

Sanguis, inclinato corpore, per arterias fa-
cilius ad caput fertur, idemque, ob suam nempe
gravitatem, inde per venas tardius redit; hinc, si
inclinatio sit diuturnior, aliqua ex cerebri vascu-
lis dirumpi possunt.

Denique, magnae animi perturbationes, velut
ira, moestitia, &c. plus sanguinis ad caput adi-
gunt, ibique accumulunt, unde vasis ejusdem
periculum faceffitur. Illa semper fere faciem
multo

multo rubore suffundit; haec, utique si subita est, id quod egomet vidi, sanguinis non paulum per nares pellere potest.

Postremo, inquieta cogitatio vires fortasse vaporum cerebri imminuit, ex quo tardior sanguinis circuitus congestioque fiant. Hinc procul dubio vertigines frequenter urgent, et Morgagnius meminit viri, cui, si quando mane in lecto animum in paulo abstrusiora intendisset, levis epistaxis postquam surrexerit nunquam non accidit*.

D I A G N O S I S.

Attonitus quidem atque ille, qui gravissimo sopore vel ebrietate opprimitur, inter se, aliqua
ex

* “ Senferunt omnes, qui feveris studiis animum adhibuerunt, gravari caput, et molestam tensionem in encephalo sentire, dum nimis diu protrahuntur illi labores.” G. V. Swieten, Comment. &c. vol. 3. p. 267.

ex parte, sunt similes ; saepe facile tamen ex iis quae praecefferint, alius ab alio discernitur.

Deinde, ipsa definitio apoplexiam et ab epilepsia et a syncope satis bene distinguit. In illa etenim multo major est convulsio plerorumque musculorum voluntarii motus ; in hac “ actio
“ cordis ac respiratio fiunt longe debiliora solita,
“ to, vel aliquamdiu omnino quiescunt.”

Auctores denique ex natura materiae extusae apoplexiam in sanguineam et serosam dividerunt. Verumtamen tale discrimen vix ullo modo, adhuc spirante homine, cognosci posse crediderim, atque serum, in mortuis aliquando deprehensum, effectum potius esse, quam ipsam morbi causam, supra ostendere conatus sum.

Postremo, D. Kuhn, medicus ille sagacissimus, praeceptorque mihi nunquam non colendus, in praelectionibus de Materia Medica memorat, se
vidisse

vidisse homines ex pomis et lacte ingestis, quae vulgo in Philadelphia comeduntur, quasi apoplexia oppressos, eosdemque sola vomitione restituisse.

Casus autem hujusmodi, inquit ille, pulsu arteriarum exiguo crebroque, ab apoplexia, longe aliter curanda, facile dignoscitur.

P R O G N O S I S.

Apoplexia saepissime profecto serius aut citius interimit; aliquando tamen non item. Interdum vestigio temporis dissolvit; frequenter aliquot post dies interficit, idque vi sua, quae ante haud parum imminuta visa sit, subito adaucta.

Saepe in Hemiplegiam definit.

Si forte quadam expulsa, tamen semper fere
recurrat;

recurrat; non quidem compluries, quippe quae secunda tertiave accessione plerumque jugulare solet. Hoc vero ipsum, quod scilicet repetere solet, idque non semper eadem in parte, magno argumento esse videatur, eam non tam ex certis quibusdam cerebri vasis fortuito subitoque compressis, quam ex eorundem compluribus, jam antea debilitatis, progigni.

Eadem quoque in senes periculosior est, quam in juvene, quoniam hic, utique si aliquid spatii daretur, magis medicinae patet valetque refectio.

Homines porro, quibus ex aetate, vitae proposito, vasa cerebri sanguinem vehementia, vitiosa esse videantur, semper fere extinguit. Alia etiam, quae ad corporis habitum prioresque molestias pertinent, plus minusve periculi ostendunt.

E

Denique,

Denique, si spiritus trahitur lentissime ac difficulter; si arteriarum pulsus ex tardo fit creber, amboque quasdam intermissiones patiuntur; si sterqus atque urina redduntur sine voluntate, extremas partes frigescent, sudoresque frigidi erumpunt, in propinquo mors est.

Contra, tepidi sudores, per omnia membra diffusi; urina copiosius reddita; solita profluvia, nuper suppressa, iterum redeuntia, securitatem polliceri existimantur. At vero hoc malum, nulla exinanitione facta, saepe evincitur.

PROPHYLAXIS.

Enimvero apoplexiam arcere, quippe quae rarius discuti potest, permagni momenti esse videtur. Omnium igitur, quibus insunt aliqua ex indiciis, quae periculum denuncient, proclivitatem, quae ex corpore scilicet pleniore, vasisque praesertim

praesertim cerebri, oriatur, quoad ejus fieri potest, evitare plurimum interest.

Quod ad prius consilium attinet, nihil melius tenui victu atque exercitatione respondet.

Jam vero aut quantitas cibi minor esse debet, aut talia, quae sua pro mole, id quod forsitan magis placeat, minus alimenti praestant, ingeri oportet.

Junioribus quidem lac atque olera, fortasse juscula infirmiora, et paululum certe, si quid omnino, carnis elixae, quam maxime conveniunt. Nihil potui praeter aquam tenuesque dilutos humores dari expedit. Liquores denique calefacientes ex toto circumcidantur necesse est.

Exercitatio nunquam non modica esse debet. Ambulatione, dummodo ea sit facilis, neque calorem excitet, utendum est; equitatio autem levis fortasse plus proficit.

Verum,

Verum, ante omnia, consuetudinem considerare juvabit; quodcunque enim contra eam est, nocet, seu molle seu durum est. Ergo, cum quis mutare aliquid volet, paulatim debebit affuefcere. Atque ideo seniores praecipue, qui carnibus liquoribusque fermentatis fuerint diutius affueti, sensim pedetentimque mutationem facere, quod est, copiam, quoad usque impune licebit, paulatim minuere, vel certe latrantem stomachum oleribus, quae facilius concoquantur, placare debent.

Alvo quoque adstrictiori semper occurrendum est; si quando autem talis evaserit, tum ea modice mollienda est; quippe quia purgationes, quae valentibus medicamentis fiunt, stomachum fere laedunt.

Venam porro incidere, apoplexia jam plane instante, non alienum est; ast idem ad nimiam sanguinis abundantiam arcendam nihil aut non multum

multum proderit ; siquidem quicquid hoc modo demitur, id omne quam cito rursus restituitur.

Omnis certe cautio hujusmodi et provisio, etiam cum vasa cerebri sanguinem vehementia videntur, non quidem nihili est, utpote quae vitam quadamtenus fortasse producere valeat.

Inter medicos denique satis convenit, sanguinis per partem quamvis profluvium, jam inveteratum, velut haemorrhoidas, parum tuto inhiberi posse. Quid igitur est ? Enimvero nimia hujusmodi, quae vires infringant debilitentque, quam maxime moderari nihil nocebit.

Caeterum, coronidis loco, illa ab Hoffmanno profata apponere lubet. ‘ Aer seligatur temperatus et serenus ; omne frigus, maxime partium inferiorum, fugiatur ; et ab iracundia, terrore, moerore, quantum possibile, caveatur.’

RATIO

RATIO MEDENDI.

Si apoplexia semper fere ex sanguine in cerebro hujusque membranis effuso oriri videatur, illa certe erit optima curatio, quae amplius extundi prohibeat, necnon istud, quod jam fuerit extusum, citius discutiat.

Quapropter, homo, vestibus exutus, in lecto, eodemque in conclavi, aëra modice frigidum habente, collocandus est; caput, atque id quidem, ne caleat, nudum, pulvinis quam alte erigi, corpusque paucioribus vestimentis operiri debent.

Sanguinem protinus vel ex juguli venis, vel arteriis temporum, vel id quod crediderim esse facilius pariterque utile, brachio mitti expedit, atque etiam eo usque, si fieri potest, ut anima deficiat;

deficiat ; unde, circuitu paulisper impedito, id, quod extusum fuerit, citius coeat, itaque extrema disruptorum vasorum occludat.

Aeger ex animae defectione nullo modo omnino excitandus est ; sed expectandum, donec ipse semet quam tardissime quietissimeque receperit. Ab omni deinde nisu, vel minimo, contineatur oportet. Denique, hoc agendum est, ut sanguis lentius circumagatur, necnon et corpus et animus quam maxime quiescant.

Jam vero, sanguine, uti supra dictum est, emissio, cucurbitulae temporibus, ‘ sub ipso occipitio et ad latera colli admotae, cute scalpello profundis satis vulnusculis concisa, nunquam non ex usu sunt *.’

Caeterum, quotiescunque pulsus arteriarum postulaverit, semper incidatur vena necesse est.

Ventrem

* D. Mead Mon. Med. cap. 2. § 1.

Ventrem porro clysteribus exinaniri conveniet, ac fortasse aqua tepida infusa, quae adeo sollicitet, ut dilutum stercus reddatur, commodissima, quippe quae relinquit nihil exasperationis, esse videatur. At vero, si intestina adeo infirmantur, ut aqua mera parum proficiat, tunc demum nonnihil stimulantis adjici debebit.

Post neque ita multo crysalla tartari, aliquavere ex neutralibus salibus purgantibus, danda sunt, ut alvus, id quod semper huic morbo auxiliatur, satis bene eat. Enimvero purgationes, si nimis valentibus medicamentis fiunt, nunquam non periculosae sunt *.

Vomitum quoque, stomachi nempe causa exonerandi, a nonnullis laudatur. Sed istud in
hujusmodi

* ‘ Vidi, post purgationem ex foliis fennae cum
‘ sale Sedlicensi et nonnullis amaris, tertia die post insultum
‘ propinatam, lethalem intra aliquot horas paroxysmum.’ D. Tissot Epist. ad Haller. de Apopl. &c. p. 63.

hujusmodi casu necessario haud parum molestiae
faceffit, siquidem diaphragma atque abdominis
musculos plus nimio exercet, unde sanguinis
multum ad caput semper congeritur; itaque per-
magnum periculum est, ne id, quod jam fue-
rit extusum, quod est ipsa noxa, augeatur.

Veruntamen, si quando apoplexia statim ni-
miae satietati supervenerit, medici non medio-
res, id quod satis commodum videtur, docent
protinus exonerare stomachum.

Denique, medicamenta, quae excitent, ingeri,
necnon stimulantia, cantharides praecipue, im-
poni solita sunt. Atqui ex iis, quae de hoc
morbo supra proposita sunt, alicui fortasse liceat
judicare, cuncta id genus, quatenus amplius san-
guinis extusura sint, tum inutilia, tum pericu-
losa, contraque votum esse, ut aeger ab omni
incitatione omnique actione negotiosa vacuus,
conquiescat; hoc enimvero ipsum non modo in-

ter morbum, sed etiam aliquandiu post, molien-
dum est, quippe quod haud parum et levare, et
iterum repetenti occurrere, valeat.

Sit ita sane: Verumtamen illud Celsi nun-
quam non medicinae studioso tenendum est,
‘ Neque disputationi, neque auctoritati, cujus-
‘ quam (expertī nempe) fidem derogari opor-
‘ tet.’

Idonei auctores testantur, cantharides juxta
vel in caput impositas prodesse; cum eo tamen,
ut non nisi post missionem sanguinis alvique
purgationem adhibeantur. Observatum quoque
est, easdem cervici admotas, auxilium praesen-
tissimum adversus epistaxin fuisse. Hinc cre-
dere in promptu est, easdem sanguinis fluxui,
qui intus fiat, aliquando fore pari praesidio.

Nunc

Nunc enimvero animi parum grati merito subirem, nisi lubens, hocce opusculo qualicumque demum peracto, singularem E. Home, S. R. S. &c. &c. viri animi candore, morum comitate; chirurgi peritia ac prudentia excellentis, benevolentiam, qua mihi, aliquot per annos, fecit consilii sui copiam, publice collaudarem agnosceremque. Cui quanquam gratia referri tanta non potest, quanta debetur; habenda tamen tanta est, quantam maximam animus meus capere potest.

F I N I S.

